

# مستطابق

۱۳۲۶

دین، فلسفه، ادبیات، حقوق و علوم دین باحث هفته‌لق رساله در

درسعادتده یکی پوسته‌خانه قارشوسنده  
داثره مخصوصه در  
محل اراهه:

انظار:  
مسلكمزه موافق آثار جديه مع المنونيه قبول اولنور  
درج ايديلمين آثار اهاده اولتاز

مؤسسلى: ابوالعلا زين العابدين - ح. اشرف اديب

تاريخ تاسيسى:  
۱۱ تموز ۳۲۴

درسعادتده نسخه‌سى ۵۰ پاره در

قيريلنه دن مقوا بورو ايله كوندريليرسه سنوى  
۲۰ غروش فضله آلنير.

سنه لى القى اياهى	۳۵	۶۵	درسعادتده
	۵۰	۹۰	ولاياتده
غروشدره	۵۰	۹۰	ممالك اجنبیهده

درسعادتده پوسته ايله كوندريليرسه ولايات بدلى اخذ اولنور.

عدد: ۲۰

۳۲۶ ذى الحجه ۱۸ بازار ايرتسى ۲۹ كانون اول ۳۲۴

ترنجى سنه

عبداللہک حربی : بغیر حق کسیکے نہ عرض و جانہ، مال و ملک نہ تعرض ایتہ ممکن عبارت اولقلہ اہل اسلام بوندہ تردد کوسترہ من . شو حالہ ملت و دیانت قواعدیلہ مقیدیمزی اونوتمایام .

انقلابہ علامت اولمق اوزرہ دولت و ملتزجہ تعمم ایدن و سرپوش ملیبز اولان فس یرنہ قالباق کیمہ بی بعض کنجلیزمز ترجیم ونہ صورتہ اولورسہ اولسون قالباق اکتسابنہ تہالک کوستریورلر . بوتہالک بر لزوم عقلی و دینی اساسنہ مستند اولورسہ عموماً قبول ایدرز ، فقط محاکمہ سز بر رأی و فکرہ مستند ایسہ قبولہ معذورز . بوقاحتہ ، آوستریا مانہ قارشو یا پلان بویقوت سببیت و یردی . اما بز فسلیزمزی ہرکہ و فسخانہ دن وایلریدہ یا پیلہ حق فابریقلریمز معمولاتندن اولہرق کیہرسہک وفسدہ اصرار کوستریردہ آوستریا مالی دخی آمازسہق مطلقا ہرکہ وفسخانہ بزہ لزومی قدر فس یتشدیرہ جک ، احتیاجاعز مندفع اولاجقدر . اگر بویلہ قالباغہ چویریر ایسہک فس اعمالی دخی گوشہ یہ جک و معمولات محلیہ من ہیچ رواج بولمایاجقدر . اختیار اولونان قالباقلر صرف اجنبی امتعہ سندن و باغار و اولاح قالباقلری شکلندہ اولماسیلہ عسکر قالباقلریلہ استشہادہ محل یوقدر کنجلیزمز بزہ برراہ صواب و ترقی کوسترہ جکارسہ ، ملک و ملتہ نافع شیلرہ تشویق ایدہ جکارسہ کندی مملکتز معمولانی اولان عبا و شایاق و صوفلردن و آلاچہ و دو قومہ و بز و حریر و قاشلر . یزدن البسہ یا پمق و او طہ و مسکنلریزمزی داغما اناطولی و روم ایلی کلیملری و خالیلریلہ دوشہ یوب اجنبی اشیاسنی آزالتمہ یہ و سفاحتی تحدید ایتہ یہ مباشرتی ارانہ بیورسہ لر دہا ای اولوردی . یوقسہ یالکز نفس و ہوا یہ تبمیتلہ قالباق کیمہ یہ ہجومدہ ملیت و مملکت نامنہ ضرردن بشقہ برشی ظہور ایدہ میہ جکدر . بوبادہ دوشونہ رک حرکت اولونامی لزومی اخطارہ صراط مستقیم رسالہ مرغوبہ سنی توسط ایدیورم .

عمر فوزی

مبعوثلر نصل مذاکرہ ایدرلر ؟

— مابعد —

اوجنحیسی افراد جانبندن و یریلان مستدعیاتدرکہ اساس مذاکرہ اتخاذ اولنہ بیلسی مراجعت واقعہ نک شروط نظامیسی مستجمع اولسی ایلہ مقیددر .

بوشرطلر ایکی قسمدر :

۱ — ذات استدعایہ تعلق ایدن کہ استدانک (۱) امضایی حاوی (۲) صاحبک شہرتی ایلہ (۳) محل اقامتی [۱] حقندہ صراحت لازمہ بی محوی اولسیدر .

۲ — معطی یہ عائد بولنان کہ استدعا صاحبک (۱) مراجعت واقعہ صفقی اولسی یعنی مدعی بولنسی (۲) شخصنہ تعلق ایدیورسہ مأمورین عائدہ سنہ بو خصوصدن طولایی مراجعتک سبق ایتمش اولسی

[۱] متعدد ذوات جانبندن مشترکاً و یریلہ جکسہ ایچلردن برینک محل اقامتی تصریح کفایت ایدر .

(۳) استدعایی حین اعطادہ کندوسنہ برجعتک رفاقت ایتامسیدر [۲] شروط محررہ یہ موافق اولان مستدعیات طوغریدن طوغری یہ مقام ریاستہ و یریلور . بر مبعوثی توسط جائز ایسہدہ مبعوثک توسط ایتدیکنہ دائر استدعایہ شرح و برہرک امضا ایتسی لازمدر .

عروضحاللرک ورودی صرہ سنجہ عدد وضع اولنہ درق خلاصہ سی دفتر مخصوصہ قید ایدیور و بو خلاصہ ذات استدعایہ تعلق ایدن شروطہ موافقتی و صورت اعطاسی علی التفصیل کوستریور . [۳] بمذاقید مقام ریاستہ باقیاور . لایحدلری تدقیقہ مأمور انجمن عمومی یہ حوالہ اولنمش بر خصوصہ تعلق ایدیورسہ اورایہ ، عکس تقدیردہ استدعالرہ مخصوص اولوب بالادہ علی وجہ الاستطراد بیان اولان انجمن عمومی یہ ارسال اولنور . [۴]

اشبو عرضحال انجمنی دہ کلان عرضحاللری برر برر تدقیق و بروجہ آتی اوجہ تقسیم ایدر :

- ۱ — وکلای دولتہ تبلیغ اولنہ حق اولانلر .
- ۲ — تبلیغ مشروح ایلہ برابر ہیئت عمومیہ جہدہ تدقیقہ لزوم کوریلانلر .
- ۳ — بو ایکی نک خارجندہ قالانلر .

ہفتہ نہایتندہ بوتون بو عرضحاللری عددلریلہ ، صاحبلرینک اسم و شہرت و مسکنلرینی و خلاصہ محتویاتی و انجمنجہ حاصل اولان نتیجہ تدقیقات ایلہ اسباب موجبہ بجماعتی مبین [۵] بر جدول تنظیم و نسخ مطبوعہ سنی اعضای ہیئتہ توزیع ایدر . مع مانیہ عرضحال انجمنی کندوسنہ حوالہ اولنان مستدعیات حقندہ اجرا ایلدیکی تدقیقاتک نتایجنی متضمن ہر ہفتہ آبروجہ بر تقریردہ تنظیم ایلر . بو تقریر ہیئت عمومیہدہ اوقنور .

ہیئتجہ موقع مذاکرہ یہ قونیلان عرضحاللردہ اکثریت آرایہ مراجعت اولندینی کی وکلای دولتہ تبلیغ اولنانلردہ نہایت اون بش کونہ قدر جواب ظہور ایتز ایسہ رئیس طرفندن باند کرہ تا کید و اخطار اولنور .

عرضحاللر اوزرینہ اتخاذ اولنہ حق مقررات عرضحالک مرقم اولدینی عددک درجیلہ تحریراً صاحبنہ بیلدیریور .

ایشتہ مذاکرہ یہ اساس اولہ حق شیلر بولنردن عبارت اولوب مذاکرہدہ صورت آئیہدہ جریان ایدر :

ہر مذاکرہ کونی رئیس مجامعی آچار یعنی مذاکرہ یہ شروع اولندینی بیان ایدر . بو حالہ ایلک نظرہ آئنہ حق شی سنہ ظرفندہ بو اجتماعہ

[۲] جمعیلہ کنوریلان ویا بر طرفدن کوندریلان عرضحال ریاست طرفندن قبول اولنہ من و مبعوثلرک ہیچ بری جانبندن دہ ریاستہ و یریلہ من . نظامنامہ صراحتہ منع ایلمکدہدر .

[۳] مبعوث واسطہ سیلہ اعطا اولنمش ایسہ مبعوثک اسمی دہ خلاصہدہ کوستریور .

[۴] ہر مبعوث انجمن رئیسہ مراجعتلہ استدعایی مطالعہ ایتک صلاحیتی حائزدر .

[۵] انجمنجہ کوریلان لزوم اوزرینہ اتحاد آرا حاصل اولور ایسہ اسباب موجبہ بجماعتک بیانندن صرف نظر اولنور .

دیگر بر اجتماع سابق ایدوب ایتدیکی نقطه سیدره. زیرا سبق ایش ایسه او اجتماعه عائد کاتبرک نظارتی آئنده یا بلش ضبطر بولنده جقدر. بنا برین او ضبطرک قرائتی لازم کاور. کاتبردن بری طرفندن کشادی متعاقب او قنور.

استطراد

ضبطرک مجوریت قرائتی مسئله سی مجلسهزک ایکنجی اجتماعنده موضوع بحث اولدی. مبعوثلردن بری قرائتی تکلیف ایتدی. فقط بر دیگرى جانبندن مقدمکی مجلسده بر خصوص مستقل حقنده مذاکره جریان ایدرک قرار اتخاذ اولنماش اولسی حسیله بو تکلیفی اسعافه محل اولمادیغنه دائر درمیان اولسان اعتراض مظهر قبول اوله رق قرائتن صرف نظر اولندی.

فکر قاصرانه مه کوره صراحت نظامیه قارشی اولان بو قرار جای تأملدر. زیرا نظامنامه داخلی نک یتمش در دنجی ماده سنده ضبطرک مجوریت قرائتی کوسترر بر نص واردر که شویله در: «هر مجلسک ابتدا سنده کاتبردن بری کچن مجلسک ضبطتی قرائت ایدر» بو عبارته قانونیه ده «هر مجلس» تعبیری واردر که عامدر. بنا برین تناول ایتدیکی شیلرده قطعاً حکمی ایجاب ایدر. هر مجلس سوزی شبهه یوقدر که مقررات اتخاذ ایدیلان ایدیلان، مذاکره جریان ایدن ایتیمان هر انعقاد شاملدر. ضبط تنظیمی ایچون همه حال بر مسئله حقنده مذاکره جریان ایدرک مقررات اتخاذ ایدلمش اولسنه قانوناً احتیاج یوقدر. کذا قرائت ایچون ده بوکی قیود موضوع دکلدر. ضبط جلسه سابقه ده کی حادثاتی حاکیدر. بر مذاکره جریان ایدوب مداوله افکارده بولنمش و کذا نتیجه ده بر قرار اتخاذ اولنمش ایسه جمله حادثانندن معدود اوله جنی جهته ضبط آنلری ده احتوا ایدر. یوقسه بر مجلس اجتماعک ضبطنا. مه سی اولمامسی تصور اولنه ماز. ذاتاً مذاکراتدن ماها بعض خصوص صانک ضبطده کوسترلسی لزومه دائر آروجه نظامنامه صراحتلر واردر که تنظیم ضوابطک مذاکرات و مقررات ایله تقید ایتدیجکنه دالدر. مجلس تعبیرینک انتخاباتی تصدیق اولنان اعضا ایله منتخب رئیس و کاتبدن ترکیب ایدن اجتماعه عائد اوله جفته دائر نظامنامه ده بر اشارت یوقدر. بالعکس برنجی ماده ده «هر اجتماع سنوینک برنجی مجلسنده» عباره سندن موقت اعضا و رئیس و کاتبرلرله منعقد اجتماعه ده قانوناً مجلس اطلاق اولندیفی آکلاشلغنده در. شو حالده مدار احتیاج اتخاذ ایتدیکنز «هر مجلس» سوزی بو قبیل مجالسی دخی متاولدر.

عجبا استناد ایتدیکنز فقره قانونیه دی ولی ایدن فقره نک احتوا ایلدیکی دلالت بوراده کی لفظ عامی تخصیص ایده بیلمیری؟ زیرا فقره نالیه مذکورده لزوم امضای بیان صره سنده کاتبردن لاقول ایکی ذاتک اوضبطی امضا ایده جکی ذکر اولنیور. دیتک که واضع قانون سبق ایدن مجلسده بولنان کاتبرلری ایدکن فضلده فرض ایدیور. بوفضله اق حالی ایسه کاتبرلر انتخابندن صکره کی مجلسده متصوردر. زیرا قبل الانتخاب برنجی ماده موجبنجه مجلسی تشکیل ایدن ذواتک ک حدیث السنی اولان ایکی ذات وظیفه کتباتی ایفا ایدر. بالآخره سکرزنجی ماده موجبنجه اعضادن درت کاتب انتخاب اولور. ایددی «کاتبرک لاقول

ایکیسی» عباره سنک دلالتیه ضبطلری او قونه جق مجالسی کاتبرک انتخابندن صکره کی مجلسلری تخصیص ایده جکیز؟ بوکا قواعد استنباط واستدلال مساعد دکلدر. زیرا عامی تخصیص ایچون کندیسکی کبی قوی بر دلیلک وجودی ارانیر. قویک ایسه ایکنجی دلیلک بر کلام مستقل وموصول اولسنیه تجلی ایدر. حالبوکه «لاقل ایکیسی اوضبطی امضا ایدر» کلماتی شروط مطلوبه دی حائز دکلدر. ذاتاً بوفقره موضوع بر حکمک مشته بر قمنی تنویر و بوقسمده ده حکمک جریانی بیان ایله ناقص بر جهتی اکال ایدلکده در. زیرا کاتبرک انتخاباتندن مقدمکی اجتماعلرده ضبطامدلی موقت ایکی کاتب امضا ایتدکلی کبی بمدالانتخاب ایدکن فضله اولملری حالنده ده لاقول نه ایکسنک امضا ایتسی لازمدر. انتخابندن اولکی اجتماعلرده کاتبرک ایکی ذاتندن اقل قالمسی متصور دکلدر. زیرا طبیعتیه هر مجلسده ک حدیث السن ایکی مبعوث وظیفه کتباتی ایفالیله جکدر. انتخاباتندن صکره ایسه بواساس قانونی جاری اولمادیغندن مهذرت مشروعه ایله اوچنک و یادر دینک دخی اثبات وجود ایتدیهرک مجلسک کاتبرسز قالمسی احتمالی موجوددر. بنا برین لزوم امضاه شو حاله مخصوص ومنحصراً اولسی ایجابات قانونیه دن اولان بویله بر قیده یعنی «لاقل» کله سنه لزوم واردر. مع مافیله بوقیدک دلالتندن واضع قانونک بو ماده بی وضعدی مقصدی حقیقی تشکلدن صکره کی مجلس اولمی اوزره قبول ایتدیکی بیله نه عامک حکمنی تغییر ایده میز: زیرا عامی غرض متکلمه تخصیص ایله قواعد متخذ منه منافی حرکتده بولنمش اولورزه شونفصیلاته نظراً ایلک انعقاددن صکره کی هر مجلسک ابتدا سنده ضوابطک بلاقید و شرط قرائتی حکم نظام ایجابندن بولنمده در. مع مافیله حادثه مسئله ده مجلس متقدمه مذاکره سبق و قرار اتخاذ ایدلماش اولسی دخی موافق نفس الامر دکلدر. زیرا مبعوثانمکز برنجی اجتماعنده شعبلره انقسام ایله جمع و حواله مضابطدن قنفسنک تقدم ایده جکی و شعبلرک اله جنی اسمی تعیین ایچون قرعدنک طرز اجراسی و قرعه یوارلقلرنده اسلملی ظهور ایتیمان ذوات موجوده نک شعبلره وجه تفریق و بازار تعطیلی حقنده درمیان اولنان تکلیفک زمان تدقیق و اجتماع آتینک کون و ساءتتک و روز نامچه مذاکراتنه داخل اوله جق خصوصانک تعیین کیفیتلری موضوع بحث ایدیلهرک مداوله افکار اولنمش و نتایج مخصوصه دیه ربط ایدلمش ایدی. حتی بوبابده تنظیم اولسان ضبط نظامنامه سکسان یدنجی ماده سی حکمنه توفیقاً دولنک جریده رسمیه سی اولان تقریم وقایع غزنه سیله ده نشر و اعلان اولنهرق او مجلسه مادمراسم قانونیه تمامها اجرا قیلنشدی. بنا برین بتون بومعاملاتی مهمل عد ایله اجتماع متقدمک ضبطی اوله میه جنی ادعاسی محق اوله من.

بوبابده فصللرده کی ترتیبک نظره آله جنی و بنا برین هنوز برنجی ایکنجی اوچنجی فصللرک تطبیقاتیه مشغول اولان مجلسک مجوریت قرائتی محتوی اولان اون برنجی فصل احکامیه مقید اولیه جنی کبی بر مطالعدنک دخی اصابتی تسلیم اولندمن. زیرا مجلسجه نه اون برنجی فصلک کشاد مجلس و ختام مذاکراتک جانب ریاستندن تقریمی و روز نامچه مذاکراتک تعیینی کبی احکامی در حال تطبیق اولنمشدر.

مادربنی زاره: ابراهیم